



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.259/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Hajriz Hoti-kryesues, Bujar Muzaqi dhe Violeta Husaj Rugova-anëtarë, duke vendosur lidhur me ankesat nga kandidati për Kuvendin e Komunës së Vitisë, nga radhët e subjektit politik Lëvizja Vetëvendosje (LVV), Sejdi Emini, të paraqitura kundër Komisionit Qendror të Zgjedhjeve (KQZ), për shkak të parregullsive gjatë numërimit të votave për Zgjedhjet Lokale të datës 12 Tetor 2025, në seancën e panelit të mbajtur, me datë 20.10.2025, merr këtë,

V E N D I M

Refuzohen të pabazuara ankesat e parashtruara nga kandidati për Kuvendin e Komunës së Vitisë, nga radhët e subjektit politik Lëvizja Vetëvendosje (LVV), Sejdi Emini, ZL.Anr.259/2025, ZL.Anr.260/2025, ZL.Anr.261/2025, ZL.Anr.262/2025 dhe ZL.Anr.263/2025, të datës 18.10.2025, të paraqitura kundër Komisionit Qendror të Zgjedhjeve (KQZ), për shkak të parregullsive gjatë numërimit të votave për Zgjedhjet Lokale, të mbajtura më datë 12 Tetor 2025.

A r s y e t i m

Me datë 18.10.2025, PZAP-i, ka pranuar ankesat e parashtruara nga kandidati për Kuvendin e Komunës së Vitisë, nga radhët e subjektit politik Lëvizja Vetëvendosje (LVV), Sejdi Emini ZL.Anr.259/2025, ZL.Anr.260/2025, ZL.Anr.261/2025, ZL.Anr.262/2025 dhe ZL.Anr.263/2025, në të cilat pretendohet se në vendvotimet në komunën e Vitisë, me numrat 2612/01, 2612/02, 2618/01, 2618/02, 2619/03, 2619/02, 2607/01, dhe 2609/01 gjatë numërimit të votave, nuk kanë figuruar votat dhe dyshon që votat e tij i janë vendosur kandidatëve të tjerë.

Në përgjigje në ankesë të KQZ-së, datë 19.10.2025, theksohet se, pas shqyrtimit të ankesës dhe pretendimeve të palës ankuese, të kandidati për kuvendin komunal në Viti, nga subjekti politik LVV, Sejdi Emini, KQZ menjëherë ka kontaktuar me KKZ e komunës së Vitisë, duke pranuar përgjigjet dhe sqarimet si në vijim: Në përgjigjën e së komunës së Vitisë lidhur me pretendimet e palës ankuese, ZEKKZ ka deklaruar se: "*Në QKN-Viti, ekipet e numërimit janë përbërë prej anëtarëve që kanë caktuar subjektet politike (sipas nenit 20 pika 1 të Rregullores Zgjedhore Nr. 16/2024), fletëvotimet janë ekspozuar para kamerës dhe njëkohësisht janë përshkruar votat në formularin përkatës. Gjatë verifikimit numërimit të votave, përballë tavolinave të numërimit kanë qenë edhe vëzhguesit e subjekteve politike, ata kanë shikuar transparencën e ekipeve të numërimit, gjatë këtij procesi KKZ-Viti nuk ka marrë ndonjë ankesë nga ana e vëzhgueseve apo anëtari të ekipit të numërimit lidhur me ankesën e palës ankuese për vendvotimet e lartcekura*". Bazuar në nenin 101 të Ligjit Nr.

08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN. Rezultatet preliminare nga vendvotimet mund korrigjohen në Qendrën Komunale të Numërimit, në përputhje me paragrafin 3 të nenit 14 të Rregullores Zgjedhore Nr. 16/2024 për Qendrat Komunale të Numërimit (QKN). KQZ, ju njofton se, rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku 2/3 rezultati i publikuar është i ankimeshëm nga subjekte politike dhe kandidatët të cilët kanë pretendime në raport me numërimin e votave të tyre. Pra, në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LPZ, pala mund të ushtrojnë ankesë në afatin brenda dyzet e tetë (48) orëve në PZAP. Po ashtu, në kuptim të nenit 117 paragrafi 3 të LZP, gjatë shqyrtimit të ankesës është vërejtur se palët ankuese, nuk ka bashkëngjitur prova të mjaftueshme që do të mund të dëshmonin apo mbështesnin pretendimet e saj të paraqitura në ankesë. KQZ, ju njofton se i gjithë materiali zgjedhor duke përfshirë edhe kamerat e sigurisë, pas përfundimit të gjithë procesit të punës së QKN i njëjti material zgjedhor dorëzohet nga QKN në Qendrën e Numërimit dhe Rezultateve -QNR, dhe të njëjtat mund të verifikohen dhe hetohen nga PZAP dhe organet drejtësisë.

Paneli, në kuptim të nenit 6 paragrafi 6 të Rregullores për Procedurat e Parashtrimit dhe Vendosjes së Ankesave të PZAP-it, dhe nenit 84 paragrafi 1 të Ligjit Nr.05/L-031 për Procedurën e Përgjithshme Administrative, me qëllim të ekonomizimit të procedurës, ka bashkuar ankesat ZL.Anr.259/2025, ZL.Anr.260/2025, ZL.Anr.261/2025, ZL.Anr.262/2025 dhe ZL.Anr.263/2025, të datës 18.10.2025 të njëjtat janë trajtuar me një vendim, andaj procedimi i këtyre ankesave evidentohen nën shenjë e përbashkët ZL.A.nr.259/2025, për shkak të natyrës së njëjtë të çështjeve, si për nga përmbajtja ashtu edhe për nga kërkesat e paraqitura të ankuesi.

PZAP-i, pasi shqyrtoi ankesat dhe përgjigjet në ankesa, vëren se ankesat janë të pabazuara.

Paneli pas shqyrtimit të ankesës dhe përgjigjes në ankesë të paraqitur nga KQZ-ja, vlerësoj se pretendimet e kandidati për asamble komunale në Komunën e Vitisë, nga radhët e subjektit politik Lëvizja Vetëvendosje (LVV), Sejdi Emini, janë të pa qëndrueshme dhe si të tilla i refuzoj për faktin se nga veprimet e përshkruara në ankesa nuk është arritur që të vërtetohet fakti me prova konkrete se ka pasur parregullsi në qendra të votimit të cekura në ankesa, *përkatësisht se është bërë vendosja e votave tek kandidatët e tjerë*. Paneli i vlerësoj se janë të pa qëndrueshme dhe si të tilla i refuzoj, për faktin se parashtruesi i ankesave nuk ka mbështetur pretendimet e tij me prova, rrjedhimisht nuk ka ofruar dëshmi të qarta dhe bindëse lidhur me shkeljet e supozuara, edhe pse me kuptim të nenit 117 paragrafi 3 të LZP-së, barra e të provuarit bie mbi ankuesin dhe në rastin konkret, paneli, në mungesë të dëshmive nuk mund të vërtetoj se ka pasur manipulime gjatë numërimit të votave në qendrat e votimit të komunës së Vitisë.

Po ashtu edhe nga përgjigja e KQZ-së, vërehet se nuk qëndrojnë pretendimet e parashtruara me ankesë sepse nuk është pranuar asnjë raport, informatë, apo shprehje të pakënaqësive eventuale nga vëzhguesit e partive politike dhe vëzhguesit ndërkombëtar as në ditën e zgjedhjeve, gjatë procesit të numërimit të votave për kandidat në QKN, dhe as Formularët e rezultateve të subjekteve politike (FRS) dhe Formularët e rezultateve të kandidatëve (FRK)

të ofruara në përgjigje nuk vërehet asnjë shënim apo vërejtje në Librin e Shënime në QKN, në Komunën e Vitisë.

Andaj duke u mbështetur në nenin 117.3 të LZP-së ku përcaktohet se “*Vendosja për ankesat nga PZAP-ja mbështetet në dëshmi të qarta dhe bindëse*”, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se veprimet e përshkruara në ankesa, ankuesi nuk ka arritur që ti provoj.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, Paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA

ZL.Anr.259/2025, datë 20.10.2025

Kryesues i Panelit

Hariz Hoti



Këshillë Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Republikës së Kosovës, brenda dyzet e tetë (48) orëve nga momenti i marrjes-pranimi të këtij vendimi.